

十年苦坐，便可抱道見真，自我修行，只求入化出神，不知立功立德，若如此而能入仙聖之域者，則九天之內，皆爲大羅仙子，人神二道，從此絕跡矣，不明真理者，類多如是，吾曾有言：「外功方六七，內煉二三成。」亦即曉喻衆生，勿因內而忽外也，古今先進之聖仙前輩，類多俱備外功而入聖域者，或問曰，外功十足矣，內煉無一成，三品不聚，性靈何能合一，吾告之曰：「功滿之日，重淨性靈，煉性之地，多如牛毛，各洞各府，即修性之地也，倘外功俱無，全神內煉者，雖煉至入化出神，三品合一，性雖現而無外功之助，亦一靈性之遊魂耳，天庭無位，大羅不收，煉性者，屆時雖欲行外功以補不足，獨惜皮囊已脫，人身化造，又焉可得耶。」晚近百年，述古老人迴龍祖師，創同善於人間，度衆生修真之本，純以密傳內法，使衆生外修之餘，加強內煉，一經果證，便可還真，創始之初，邀吾相助，舉凡三界之內，勿論儒釋道三教前輩，凡有普度衆生之願念者，吾當極力而助之，因度世之方，固吾所願也，惟以晚近人心，私念疊起，惡勞好逸，避外修內，火宅遍傳，得真者也不多见，是故內外二途，外爲主而內爲輔，若行外功而無暇內修者，亦可證道，倘專修內而忽諸外，亦難證於一道也，尤以今日三期末劫，火宅修行，到處塵囂，難覓清靜之地，兼以人道所負凡俗之責，更難於靜養，試問內修弟子，功課如何，撫心自問，當能明之，故今特爲內外二途，闡述詳明，俾衆子弟有所覺耳。

呂祖先師示 丙午三月十五日（一九六六）

信、念、行、虔、修、煉、六字，實爲道之本

憑緣應數道門中，人緣掃盡道之風，
棄本焉能成道範，他朝寄望復神功。

本能立，道可生，本不立，道不存矣，今日之世，藉言教以沽名，藉神道而釣譽者，比比皆是，所謂見怪不怪，人心自敗而已。壇場之興敗，雖有數字之因，但人爲之果，亦可影響及之。闡道貴乎一心，行道貴乎用力，人心合一，天心附之，天人合一，一道始見，學道之士，所系課程，不外乎信、念、行、虔、修、煉六字而已。若信而不堅，行而不篤，念而生妄，修而不養，誠而不虔，煉而不澈者，均難見一道之真，俗世行道者，每因七情之閉，六欲之擾，中途氣餒，如是則斷道於途也。所言六字者，實道之本也，本不能立，焉能證道耶。天地之仙佛及諸菩薩，再及各級神祇，無不以一道之本，而果證抱運者，是故一道之大，運行於宇宙之中，能歷千百年而不歿者，實基於本來也。孔聖有云：捨其本而求其末，事不可爲之，三教之至理，同一如是，吾門子弟，恆河沙數，能見真道者，又幾人哉，奉勸門人，眞修猛省，勿自棄道於途也，勉之。

濟世聖佛示 丙午三月二十二日（一九六六）

能空色相，見道可期

天南地北與西東，茫茫宇宙在其中，
顛僧老衲何能德，盡說人間度世功。

呂祖先師示 丁未六月十五日（一九六七）

心氣相平，勿論厄劫

炎炎夏火，劫厄未清，

似是雲收月未明，羣仙鼎力除厲疫，衆生有幸保康寧，
小厄和小劫，風波未息平，茫茫大地上，怨聲復怨聲，
天運誠如是，心存道之經，勿論如斯樣，心氣兩相平，
大劫能逃了，小厄勿慌驚，秋來明月照，曳了是蟬聲，
雲收雨自散，雨過亦天青，春雷再響後，到此再叮嚀，
爲善修德，積德行仁，心常存道，不懼驚魂，見劫不劫，身在道行。

靈侯大帝示 丁未六月二十四日（一九六七）

習、行、信、守、煉、乃爲學道之過程

道義千秋在，浩炁天地中，沛然存宇宙，度世有玄宗，
三千勳立德，呂帝最爲功，三期悲末劫，三教亦圓融，
戾氣冲天地，衆生劫運逢，一道來行化，慾海奏膚功，
眞元來顯應，萬衆謝蒼穹。

玉清立於人間，行將一載矣，呂帝之度人度世，實爲無量也，千百年來，爲度衆生，徬徨于天地人之中，宇宙之含靈者，可度者亦度之，可化者亦化之，帝君之願，無時或已，帝君之力，時刻而行，應三才之緣，集都天之妙，因緣應化，盡度蒼生，千百年來，妙成眞道者，類多出自呂帝之門，可見一道之行，能歷久而不懈者，眞道始見也，今日之世，處於末劫之期，天運之混沌，已屆盡頭，若能守眞抱道，終始貫徹，勿論人海過程，爲是爲非，乃眞乃假，處境之富貴，遭遇之貧賤，倘能守於一道之中，不爲是非眞假，富貴貧賤所移者，則眞道永存於人之身心，若能此，則不果證抱運者幾稀矣。人能行道，道必隨之，人能守道，眞必在之，人能習道，道必悟之，人能煉道，道必護之，能習能行，能信能守，進而能修能煉，則雖非仙佛之體，亦存仙聖之靈也，諸子乃呂帝門人，能隨師願以修己達人之旨，則前途無可量也，謝

附錄

呂祖先師祝詞

精忠爲報國，孝行古人風，靈侯式儀範，九天立勳功。

太上道祖示 丁未七月初一日（一九六七）

論道

一道爲無量，有爲亦無爲，

雲龍祖師

白眉先師

寶誕祝詞

醫相惠然至，天官聯袂來，仙翁駕亦到，祥雲朵朵開，
恭逢三聖壽，純陽禮應該，訓賜玄門子，聖教好培栽。

呂祖先師示

戊申五月初一日（一九六八）

釋堅、志、篤、誠、虔、信、六字之義

道向苦中行，浮屠拾級登，
抱願來行道，擎天一柱心。

一道之願也，行而後見之，一道之成也，學煉而爲之，從道而無間者，是之謂堅，艱苦而不移者，是謂之志，明其難而爲之者，謂之篤，百念而不移其志者，謂之誠，正信而外道者，謂之虔，身心共行者謂之信，學道之士，能循此以爲之，則一道之眞，如在目前也，其行不怠，自可不覺而生大覺也。

今夕諸子爲別館之基，同研參商，以誠共處，推誠以向，各具衷心，爲道而行，亦無間斷，一誠可以格天，一信亦可格物，從無而生有，隨願而生眞，眞道之道，存乎於此，擬行之法，亦感週全，人不負於一道者，道亦不負於人也，功勳能積，則道功亦進，明玄參

妙，願亦能成，力合策羣，終見中流砥柱也，人之願愈堅，神之力愈大，此相生之道也，願衆子更勉旃。

關聖天皇示 戊申五月十三日（一九六八）

有生滅相，不能見一真

一道可傳真，修性可存神，性命雙培養，悟覺卻凡塵，先天有一炁，後天了真因，了了情和欲，般般不染聞，培元養浩炁，三品自可親，逆轉造化機，陰陽復主賓，外則力行道，內則混元行，善善心常念，驅魔逐惡奔，五行來合一，三品共爲神，無形有形看，化造由心生，調燮天地體，丹還九轉登，無有亦無無，善惡亦無分，能見真善者，應從玄妙尋。

今日之世，天運之中，否泰不分，正如衆生之不明善惡也。天地戾氣，於斯已極，其混沌之局，實亘古之不多見。天地之造物也，物至其極，則必反之，天地化物，化至無所有，必從而生之，此天道之消長，因果之循環也，恰如一道之理，物非其物，則無所謂物，物既滅矣，何來其物，從而生之，生生之不盡，滅滅又無窮，只見生滅相，又焉可見一真耶？今日宇宙之中，其因果循環，以至於還原之境，天道如此，人道亦如是，玄門諸子，

丙寅天運，概括述之。今歲宇宙運行之運，較諸往歲，其不同者，守歲之神，慈祥和藹，惟是鎮歲之星，十分兇惡。今歲東南方雖有疊疊不吉之兆，仍能化解，惟是西北方位，危機疊疊，烽火燎原，大有一觸即發之勢。能避免於一時，則末劫之期，仍待時日，倘無可免者，則已屆末劫之末盡也。至曰本地情況，無大變化，若無外在因素，依然順利度過一年。凡屬一道之士，最宜修身立德，學道煉道，加強本身之道力，以應未來混沌之期，此爲道子應守之戒律也。一道在心，行之而不懈，始謂之曰眞道之士也。願門人同勉之。

陸雨松眞仙示 丙寅年二月初二日（一九八六）

論學、行、修、煉之層次

福德由人種，德滿自呈祥，

正大無私者，神力可卻殃。

全眞聖道，自闡教至今，已六百餘年矣。先後學道之士，得道者大不乏人，就以神道而論，諸仙聖曾屢言之矣，一修一得，及修至如何境界，有賴個人之先天夙緣、後天道緣，從無不變之例者。由學道而行道，由行道而修道，由修道至煉道；層級上進，以至果證於道。初層爲神道，進而爲仙道，更進者爲聖道。學道之士，倘未能修至仙聖之體，則應格於神道，亦不致有負於一道也。願玄門諸子竿頭百尺，更進於一道也。

王天君總護法示 丙寅年二月十六日（一九八六）

身體力行，循道而進者，道必可得

午夜時光恭祝誕，可見諸生有真誠，
修來一道全真客，玄門難見有精英。

今日爲玉清虛宮列位護法公誕之期，本天君謹代諸神衷心致謝。本門自創道以來，於茲數百載，秉承一道之機，以應於俗世。古往今來，寒暑屢易，同門者得一道之真，大不乏人，而中途流落者，更見不鮮。此無他，堅心以行，虔誠以爲者，自當達於彼岸。修持不繼，信而不堅，雖有先後天之優越條件，亦難一睹一道之微末也。列仙聖佛闡道論道，一向行之不怠，倘玄門諸子能身體力行，循道而進者，道必得也。諸生學道，歷年有進，若能持之以恆，則道自得也。願衆子勤修之。

觀音大士示 丙寅年二月十九日（一九八六）

闡釋難捨能捨、難行能行及難忍能忍之義

釋道二門同闡教，法法同歸萬法宗，
捨行忍學見真諦，一道得來萬法同。